



EUSKALTZAINDIAREN BATZARREA

Donostian, Gipuzkoako Diputazioaren jauregiko saloi nagusian, martxoaren 27ko eguerdiko ordu batean bildu zen Euskaltzaindia, mahaiburuan euskal Herriko lau diputazioetako ordezkariak, euskaltzainburua, batzarrearen moderatzailea eta idazkari jaunak.

Euskaltzainburuak agurrezko hitzez ireki du batzarrea, esanez, lehen aldiz ematen dela Euskaltzaindikoko batzarrea irratiz eta gogoraraziz oraintsuarrege Juan Carlosek egindako nortasun onharitzea. Eta, lau Diputazioetako ordezkariak esker ona erakutsi ondoren irratientzuleak agurtzen ditu.

Jose Maria Ayestaran Gipuzkoako diputatu jaunak, Julio Iturralde Nafarroako diputatu jaunak agurrezko hitzak irakurri dituzte, eta ondoren Anjel Ibáñez de Opakua Arabako diputatu jaunaren ordezkari M. Ruiz Urrestarazu jaunak irakurri du arabarren agurra.

Haritschelhar jaunaren etorri ezina agertu du Jose Maria Satrustegi euskaltzain jaunak, batzarre hontarako moderatzaile izendatua denez. Era berean beste euskaltzain batzuren etorri ezina agertu du, eta ondorengo hizlariak aurkezten ditu, beren sarrera hitzaldia egingen duten euskaltzain laguntzaile berriak: J. M. Iriondo Loiolako Herri Irratiko **speaker**, Gexan Alfaro "Lantziri" ifarraldeko kazetaria, Mikel Atxaga kazetari eta Zeruko Argia-ko zuzendaritzakoa, Joan Mari Torrealda Anaitasuna aldizkariaren zuzendaria eta Xabier Aranburu "La Voz de España"ko kazetaria eta Donostiako **Asociación de la Prensa**-ko burua, bostak 1975eko ekaineko batzarrean izendatuak.

Jose Maria Iriondok irakurri du bere txostena, "Irratigintza eta euskara", euskara irratian noiztik eta zer mailatan erabilia izan den adiarazten du. Nekazaritzaz pentsatzen hasi zen lan hura orain kaleko zabalkundeetara gehiago begiratuaz datorrela.

Gexan Alfaro (Gexan Lantziri) mugazandik berriak emanez datorkigu, "Euskara Ipar euska



Herriko irratian", zer mailatan erabiltzen den euskara Baionako irratian eta zelako eragozpenak aurkitzen dituzten adiarazten du.

Mikel Atxagaren txostena "Komunikabideen beharra" agertzea izan da, aintzinakoetatik hasiaz kazetaritzaren historiara eta hemendik gaurko egunak arte ekarri duen bidea, honen beharra eta euskarazkoaren zabalkundea haztearen neurria euskara beraren beharra gehitzen dela.

Joan Mari Torrealdai "Euskal komunikabideak gaur eta bihar" gaiaz, kulturatzaren aurrerapenak euskal aldizkariari eman dien eragina eta gure aste-kariak nola behartu diren erdarazkoak bezain onak izatera, baina kazetaritza profesionalizatu beharra agertzen du eta irrati eta telebistaz lan gehiago egin beharra.



Azkenik, Xabier Aranburu, "Euskara, erdal egunkarietan" gaizko txostenaz, lehen partean izan zituen eragozpenen historia egiten du, euskarazko lanak argitaratzen dituen egunkariaren izenak eta horien noiztikakoa markatzen ditu, eta Euskal herriko 215 tituludun kazetarietatik hamar bakarrik direla euskara dakitenak. Baita ere, aztertzen

ditu erdal egunkarietan erabiltzen diren gaiak, euskaraz, eta kazetaritzaren berri ematek baino hurbilago daudela literaturgintzatik.

J. M. Satrustegi jaunak, zenbait oharren artean, hartu diren agurren berri ematen du eta mugazandik gaur bertan Madaleine Jauregiberry euskaltzain ohorezko andereari egiten dioten omenaldia aipatzen du.

Idazkariak goizean euskaltzain osoak eta aditz batuaren batzordekoak egin duten bileraren berri eman du: Zaldibarko udaletxeari eskerrak ematea, Bitor Garitaonandiaren omenaldi antolaketarako eman ziguten laguntzagatik; Nafarroan euskaltzaindiaren ordezkariak sortzeaz, Principe de Viana mintegiaren inguruan eta J. M. Satrustegi euskaltzain jauna buru delarik; bestalde, aditz sintetikoaren zenbait puntu aztertu direka, batzorde idazkari den P. Altuna jaunak bildu dituen adierazpenen araueraz.

Idazkari-ordezkoak irakasle titulurako egongo diren examenen berri, eta Gasteizen Odon de Apraiz euskaltzain ohorezkoari egingo zaion omenaldiaren aipamena.

Jose Maria Olaizola, Gipuzkoako diputatu eta diputazioko kultur saileko buru denak hitz egin du, duela denbora guti Madrileko Ateneoan euskarazko hitzaldi batera nola joan zen eta teknika hitzegiari buruzko gaidun hitzaldi hartatik argi ikusten zela euskara ez dela baserritarrena bakarrik eta gazte kementsurik eta jakitunik ba dela euskararen indarberritzeko lanetan. Eta bere aita Jose zenaren olerki bat irakurriaz bukatzen du.

Azkenik, bukatzeko, Xabier Diharce "Iratzeder" jaunak mugazandiko euskaldunen agurra eta J. M. Satrustegi eta L. Villasante jaunek Donostia eta Loiolako Herri Irratikoei eta "24 orduak euskaraz" antolatzen lagundu duten guztiei eskerrak emanez bukatzen da.

J. San Martin